

聖宋名賢五百家播芳大全文粹卷四下

謝經惟東宮官
謝除侍講表

張敬夫

拜命中宸執經西學雖踵熙朝之故事實為儒者之
至榮莫遂懇辭惟深恐懼臣其中謝竊以剛健篤實
易稱多識之功緝熙光明詩著仔肩之義蓋典學所
以建事而治國始乎修身厥惟哲王乃燭大本此蓋
伏遇皇帝陛下德先勤儉政用中和從善若轉圜每
盡謙虛恭之道臨民如馭馬居懷兢業之思念六籍之
格言為百王之要範將來鴻碩與共講論顧臣何人

亦預茲選臣敢不撲忠自許古義是研勉殫夙夜之誠庶幾千慮倘有涓埃之補少答大恩臣無任

謝除侍讀表

蘇子瞻

叨承新命祇服訓辭詞薄技已窮舊恩未替中謝伏念臣志大而才短論迂而性剛以自用不回之心處衆人必爭之地不早退縮安能保全是以前三年翰墨之林屢遭飛語再歲江湖之上粗免煩言豈此身愚智之殊蓋所居閑劇之致臣之自處何者為宜而況講讀之司惟懼最近分章摘句則何以報非常之知因事獻言則又必貽前日之患雖仰恃天日之照實常

負冰淵之虞共惟皇帝陛下大德庇民小心順帝雖天覆地載以聖不可知為神而日就月將以學而不厭為智曲收舊物以廣多聞臣敢不職思其憂本無分於中外欲報之德誓不易於死生

謝除侍讀表

汪彥章

視草禁嚴論經間燕兼近侍進言之責極儒臣稽古之榮拜命以還撫躬而懼中謝嘗謂天縱將聖奚煩博學以成名王求多聞蓋欲擬人而為善故自古右文之世必留心講藝之官如臣至愚何所云補茲蓋伏遇皇帝陛下卓然上智濟以克勤同漢祖之英論

道不忘於息馬笑齊侯之陋讀書見議於斲輪而臣
猥以非才膺茲遴選第竭簡編之素習仰承帷幄之
清光海岳深宗固無取涓埃之細聖賢聞見或不如
農馬之專誓絕蔽欺用酬知遇

謝除翰林兼侍讀表

蘇子瞻

學術本疏老復加於謇訥官聯逾近職專在於討論
退省其愚莫知所措中謝伏以天威咫尺顧末技以
何施聖敬日躋豈羣臣之可望非張禹寬中之篤學
無量懷素之懿文則何以奉天子五學之游求王人
多聞之益如臣愚暗何以選掄此蓋伏遇皇帝陛下

卓然生知輔以好學方高宗恭默之後正宣帝厲精
之初衆論並陳悉洞照其情偽陳編一覽已周知於
廢興察臣衰病而無求庶可觀親近而寡過故茲拔用
驟及疲駑臣敢不溫故知新粗辨有司之職見危致
命更輸異日之忠

謝除太子賓客表

儲闈肇啟當收就異之才詔綽中頒首玷高華之秩
既預論思之秘仍參調護之榮承命便蕃撫躬跼蹐
中謝伏以三王之教世子必用正人兩漢之詔宮僚
無非碩學矧在賓筵之列尤為儒者之光方朝廷新

曠古之儀俾世嫡正前星之位養德茲始求賢實艱
尚虛六傳之聯先遴十人之選如臣膚淺非國俊髦
司典謨訓誥之文猶孤眷^倚意豈父子君臣之道能有
建明弗獲固辭終慙非據此蓋伏遇皇帝陛下紹隆
邦本因任人才謂臣久侍禁林最為孤直知臣日承
聖學粗識源流故此褒嘉輕於畀付入奉鼇山之直
參學禁之游夫何一介之微兼此兩閨之渥古今鮮
儷中外懽傳臣敢不益懋嘉猷誓堅晚節密為羽翼
當如園綺之賢徒事文辭敢效應劉之陋

封爵

謝特授儀同封舒國公表

王介甫

發號端門外覃慶賜疏恩列辟俯逮空食舞手均歡
捫心獨幸中謝伏念臣久孤眷遇當即譴訶曠歲籲
天尚辭榮而未獲新恩賜國仍席寵以有加唯茲邦
土之名自昔宦游之壤久陶聖化非復魯僖之所懲
積習仁風乃嘗朱邑之見愛鴻私所被朽質更榮此
蓋伏遇皇帝陛下道冒羣才彌天之所覆恩涵庶品
并物之所包以釐事備於郊宮而惠澤均於海宇故
雖幽屏以遐遺顧冒昧之不賞豈糜捐之可報

謝特進封荆國公表

宮庭嘉享推德惠以及人田里空餐濫宸恩而累國

臣中謝臣伏念苦窳賤質卷曲散材遭值休辰登備
貴器有未償之厚責無可錄之微勞敢冀瘝身尚叨
徽數此蓋伏遇皇帝陛下備承熙事答四表之歡心
董正治官建一代之明制因令疲爾與被光榮雖自
誓於糜捐願何酬於覆幬

謝加食邑表

王介甫

顯相郊宮固宜寵獎曠居田里乃濫褒加中謝伏念
臣尚負宿疴久尸榮祿無可論之薄效有未報之隆
恩方國明裡庶工祇載奉璋執豆旅幣獻琛具輸奔
走之勞獨抱滯留之歎豈圖疏逖亦冒寵光此蓋伏

遇皇帝陛下荷休駿寵歛福錫敷故雖幽屏弗以遐
遺身每被以慈憐心敢勞於勤策

代皇子謝封延安郡王表

代皇子

曾子固

祇膺詔版彌積覲顏蓋崇大於宗藩以盛強於席室
豈伊獎渥可假幼冲中謝伏念臣器非宿成材無特
異徒歸祇於鞠育每親炙於高明欲善在身忘髡髦
之至弱知書可學慕佔畢之相從庶由受教於童蒙
覬獲成能於壯大敢意攬攸司之密啟循歷世之彝
章寵以官儀體均於承丞弼殊其爵列秩右於公侯揣
稱何堪踰涯已甚知隆名之難冒迫大號之既行控

避莫從震惶滋集此蓋伏遇皇帝陛下心潛高厚智
極精微推廣愛之仁以隆於父子盡大公之義以篤
於君臣故舊典之當行雖至親而莫間致茲異數猥
及謏能臣敢不仰體聖懷勤遵慈訓省躬擇術庶不
蹈於匪彝臨事知方或可收於近用

謝除觀察使嘉國公表

冠裳舊列甫與於人倫綸綍疎恩驟膺於殊渥撫躬
莫稱拜命知榮臣中謝伏念臣託體天支分輝寶系
生育長養慶幸席於重闈控伺顛蒙學未通于一藝
粗習勝衣之拜適當可冠之年誤辱慈憐驟加哀擢

廉車置使實參從橐之華公社分封庸壯宗藩之勢
雖循舊典允謂隆私茲蓋伏遇皇帝陛下治本親親
仁先幼幼受趾而施子孫既大本根立愛而始家邦
不遺支庶故茲辱陋有此超踰臣敢不祇佩訓詞益
修業履有猷有守率惟規矩之循惟孝惟忠仰答乾

坤之造

謝除安撫表

謝除安撫表

蘇子瞻

兵民重寄本禦侮以折衝疆場久安但坐嘯而畫諾
才微祿厚重命輕中謝伏念臣一去闕廷三換符竹
坐席未暖召節已行筋力疲於往來日月逝於道路

未經周歲復典兩曹朝廷非不用臣愚蠢自不安位
所宜竄逐更冒寵榮此蓋伏遇皇帝陛下離明中正
乾健獨運追述東朝之遺意收此散材眷言西學之
舊臣付之善地致此衰朽尚未棄捐臣敢不勤恤民
勞密修邊備苟無大過及期年漸還魚鳥之鄉以畢
桑榆之景

謝除安撫表

宋子京

越從間佐超摠藩垣撫綏列邦領護諸將軍符參擁
使紱交華恩踰望端慙結情外中謝伏念臣命兼才
薄志與年衰自忝從官久陪經幄名宗而實難副譽

就而毀軌隨蓋黨士護前則見排夸人艷利則相軋
奔湍薄渚堆岸獨摧彎弓晚林孤翅先墮是以褫近
職者一典守麾者三心餘故憂謀失新勇方將收跡
華要之地路乞身棲偃之場顯業斯文力誦聖德刻金
石以垂美薄天壤而無慙何圖至仁過聽亡狀謂老
則閱事眾是宜守邊憂則慮事深可使從政遂付師
律俾扞塞屯過闕許朝臨遣加秩伏又當沉當國奧壤全
趙舊封地饒財賈人尚上武力技擊踴疆者三萬浚隍
峭堞者六州界在山東隱若天限竊循孱怯有忝俞
咨此蓋伏遇皇帝陛下道推曲成義不頗載在善護所

短冀責有能內憂製錦之傷暢成流汗之熱再念儒者之學本勞而少功數奇之人恐不得所欲且言虎者三而成惑拔楊者一乃有餘釜鼎中隔則寸焰沸水丹麓先容則枯枿蒙器伏望陛下念臣身遠於寡察臣狗公絕私寧無中傷必賜明辨臣亦夙夜自儆美醜必陳同士甘心求民瘡痍詢徵郭之曲折繕器械於犀完粗修厥官申報而國待前方阻叩臆何宣

謝除安撫表

閻蒼舒

河圖次對超陞六閣之先天漢上游申任十里之寄連乾坤思大絲髮命輕臣中謝伏念臣速風以散材濫居

冗從奉身以退既絕望於明時去國而來亦濫叨於煩使遂州城外小惠巴人韓信壇前來施秦策雖自彊其志節終無補於功名而福過挺災且年侵嬰疾顧嵇康之多難懷七不堪念孔戣之已衰負二宜清去方力祈於閒寂乃復被於寵靈奎壁文章增重西湖之首山河錦繡載臨南鄭之區自省孱微若為報稱此蓋伏遇皇帝陛下天臨九有子視羣工俯憐跼履之餘無復修門之入故尚加於明試示未底於棄遺顧跋羊千仞之登蓋已難矣况鉛刀一割而鈍其可再乎威命莫回危蹤知懼臣敢不益扶歸力深激懦

捐於是丐歸終期得請

謝除安撫表

沈樞密

假守上游初無善狀陞華以對忽拜詔恩循牆弗獲
於辭出綽薦勤於申命幸踰望表感溢情涯臣中謝
竊以聯六閣之嚴均為清選列四松之邃榮綴從班
載惟名數之優蓋獎勞能之異授之不至於濫得者
真以為榮臣學術迂疏性資方拙偶值休明之運早
蒙特達之知中外踐更莫非親擢始終全護盡出眷
私昨從祠館之投間自分勞途之絕望旋蒙軫記俾

預使令起之田野之中付以承宣之寄東廡二載曾
乏治聲鄂渚一麾繼叨選任竭來職行且及期適
承彫敝之餘幸逭曠瘼之戾雲屯萬旅肅營壘以無
譁碁布四民安井閭而自樂茲乃皇明之遠暨遂令
德意之具孚而臣且無避責之嫌屬在引年之日亦
既露歸休之請其敢萌僥進之心何期寵靈橫逮孤
遠煥清廂之新秩復榮橐之舊資豈惟朽質增華頓
覺名城之改觀茲蓋恭遇皇帝陛下聰明燭於萬微
而隆寬盡下威德加於九有而內恕及人謂老馬有
辨道之能而遺簪無在原之棄有駑鈍亦被龍光臣

敢不益勵素心更堅晚節雖桑榆已迫逼愧補報之無聞苟溝壑未填誓糜捐而後已

謝除安撫表

潘時

海嶠守藩寂無治狀星沙謀帥遠玷除書躡升內閣之華增賁中權之重恩深責厚感極涕零臣族系單平吏能謏薄置身冗散而無適時應用之才遭世聖明妄有趨事赴功之志誤蒙差擇浸被使令自一領於州麾因屢叨於使節頓冒平反之寄繼分屏翰之憂地大物繁疲精神於歲月年侵疾至驚性命於煙嵐亟籲天而乞憐遽易地以疏寵乃眷三湘之都會

常馳六轡以咨詢課昔日之澄清已窮末技數當年之牧守莫匪名流控辭幾既罄於循牆成命難回於出綽此蓋伏遇皇帝陛下仁均覆幬明並照臨臂指四方如在行畿之近甄陶羣吏尤嚴制關之除知臣粗歷於險難察臣匪由於虛偽用全枯朽改畀便安臣敢不勉策衰殘仰當委任方早暎軫九重之念未遂投閑使愁歎有一飽之歡終期得請倘苟存於朝夕尚

圖報於須臾臣無任

謝除都督開封尹表

汪彥章

恩錫絲綸忽從中出任隆輦轂不以次遷舉萬方輻

奏之區付一介頓愚之士身雖甚寵力恐難勝中謝
伏念臣生本寒鄉出陪多士少從師學僅知儒墨之
是非長佩官箴安識求由之果藝徒以告昔參於儲禁
斐然長奉於牋辭緣此孤蹤簡於聖德逮自江湖之
遠來瞻日月之光裁奉燕間即蒙褒擢俾佐銓衡之
任初無根柢之容曾未逾時復叨進秩唯三輔幅員
之大萃四民囊橐之姦必發摘如神方勝銘筭之說
苟拊循非術能無桴鼓之驚誰謂鯁生可當器使茲
蓋伏遇皇帝陛下留精治術端本京師欲令張敬之
春秋稍施於政故試望之于馮翊非有所聞而臣自
歷仕途未更吏治一旦任劇煩之責則衆人為綿薄
之憂臣敢不用恕平反以文緣飾為四方之極庶幾
無愧於商詩從一切之宜未肯追蹤於漢吏

謝除都督江淮軍馬表

張德遠

賜斧專征蓋求人望揚庭孚號誰料臣愚控避無從
省循知懼中謝伏念臣天資任已衆謂寡謀趙北燕
南雖愧風聲之慷慨吳頭楚尾粗更牧圉之周旋無
憐拊髀之憂消自覺據鞍之已老壯心徒在綿力既
愆當國家多事之時值神聖有為之主人思奮厲臣
肯懷安所虞薦康瓠於鼎鼎之陳必有駕鳴鳩於霄

漢之誦奪乘何侮辱命為憂自承制誥之頒未省聽
聞之誤磨鉛策蹇夙夜以思食糜飲水進退維谷茲
蓋伏遇皇帝陛下臨朝獨斷立賢無方謂臣結髮於
偏陲粗識三軍之情偽察臣致身於公傳傳必同一體
之休戚起自里居俾承人之乏臣敢不激昂晚景報稱
殊知趙將軍八九十而習羌情願罄老臣之肺腑漢
天子十八萬而建武節會來醜虜之梯航

謝使謝除成都轉運表

唐子西

嶺表觀風已慙治效坤紳按漕復玷寵靈引組知榮
撫襟增興中謝伏念臣單平冷系迂暗常才雖懷許

國之孤忠非有過人之奇節偶緣冗宦被遇先皇擢
任監僚猥承人乏出分使指益愧食浮纔自脫於殿
刑蔑可書之最目謬膺渙渥重忝皇華能已盡於
五窮鉛刀何堪於再割鴻恩未報俄驚重鼎之成濬
哲肇興尚念遺簪之舊遂容尸素未即棄捐此蓋伏
遇皇帝陛下至健行天大明出震開並採兼容之路
隆太平治極之基致此冥頑類蒙委寄粹表未瞻於
天日狂私已佩於丘山敢不續短俾長免禍為福登
車輿歎雖微孟博之才叱馭遂行姑勵王尊之節錙
銖可效糜粉為期

謝除轉運副使表

拜命起家甫辭祥於東魯疏恩乘傳再日觀於長安
委寄益隆報塞難稱中謝伏念臣愚不適用拙無所
長識至淺而惟知勿欺學甚疎而所期不負一行作
吏三十年奔走之勞屢試罔功十二任勲庸何有方
素釋下釋之始辱皇華再譴之榮精神不逮於七載
之前覺馬齒之加長神觀未復於踰月之後知鼠技
之已窮深慙衰朽之資曷勝劇煩之任茲蓋伏遇皇
上陛下既文發政以堯治民萬國欲得其歡心蓋天
子之孝也四海務形於廣愛雖聖人莫加焉常思天

下之澄清必重關中之根本操心慮患爰有取於孤
臣察俗觀風俾復還於舊觀臣敢不明目張膽竭力
一心舉廉刺貪不憚煩於政教興利除害將熟復以

條陳

提刑 茶馬
謝除提刑表

邵公濟

支郡分符已慚善政明時持節濫撫祥刑被寵以驚
省躬知愧中謝伏念臣資惟極陋數則多奇在昔先
臣再被裏輪之召至於晚進亦叨勸駕以行國史載
隱逸之名鄉書上經營之選實惟一門之盛事蓋出
三朝之異恩獨不免於窮途悵虛逢於昭代欲遂挂

冠之願未酬結綬之心豈期流俗之餘偶被使令之
 未惟西蜀忠厚之俗有東魯絃誦之風顧此齊民之
 浩穰皆自累聖之涵養山川秀麗初無犬吠之虞因
 園空虛不待雞鳴之赦欲持平於邦憲宜精擇於司
 存豈容下才輒膺重任茲蓋伏遇皇帝陛下體天地
 之覆載並日月之照臨刑無用於三千囚自歸于四
 百欲兼容於羣聽致誤采必虛名蓋本哀矜遠方豈
 獨矜憐小己推仁心以及物尚憐鰥鰥之牛將德意
 以遣臣敢憚虺隤之馬臣謹當佩服溫厚之典詔奉
 行寬大之書聞禮傳家粗有志於他日引經斷獄更
 盡力於此時

謝除提刑表

周頴

給餉重湖深負罔功之愧總刑東浙復叨非據之勞榮
 弱質奚堪隆私莫報臣中謝竊以好生乃天地之大
 德措刑為帝王之極功得情亦尚必哀矜治獄務先
 於寬恕惟必有勝殘去殺之善庶能全仁民愛物之
 心始稱選掄不孤任使伏念臣才非可用性本至昏
 且質直以無文惟介僻而自守捨去泮宮之閑冷不
 辭蜀道之艱難萬里東歸徒抱孤忠之憤九重兼聽
 靡容片善之遺誤被簡知濫叨獎拔分符剖竹何補

郡條煮海摘山曷裨國計嗟謬庸之無取以瘼曠而
是虞豈謂遭逢亟蒙收召郎省積空食之嫌謙宰司增
翫歲之羞迹微而素志迂疏身老而舊學荒落方伸
更迭之請畀以轉輸之權退念五載之僥逾尚之一
毫之稱塞矧惟憂顧莫重平反要當君子之盡心庶
俾有司之不犯無訟詳陳於魯訓棊彝備載於周書
如臣之愚豈任其責茲蓋伏遇皇帝陛下體元而居
正圖大而宅中發渙號以誕施擴離明而繼照開一
世以自新之路涵萬物以如春之仁凡云尺寸之微
盡入範圍之內察臣樸實而近厚知臣奔走之忘勞

不忍棄捐曲加甄錄臣敢不奉行寬大深體訓詞更
圖罔皆空廣聖君欽恤之意雖衣冠不畫躋斯民仁
壽之途

謝除江東提刑表

汪彥章

蠻方久次忽蒙恩詔之頒使節內遷仍獲鄉邦之便
蓋始望未嘗及此雖自謀何以過之人知從欲以為
榮臣獨感恩而至泣中謝伏念臣早緣孤直叨備使
令雖才疎屢至於顛隳然事白即蒙於超擢頃駕一
朝之傳深行五嶺之區眷言風土之異宜常恐庭闈
之動念既云盡瘁敢復圖安嘗中被於宸陞亦浸忘

於留滯豈期私計之上達不待終更而北還千里繡
衣初入中原之郡縣雙親白髮重瞻故國之江山遂
令忠孝之兩全何止平反之一笑仰視必恭之梓旁
連聽訟之棠茲蓋伏遇皇帝陛下衆建人材恢張治
具薄海內外而並照其智如神因時輕重而制宜以
刑為體欲廣哀矜之意必求忠信之人謂臣素習於
民情知臣粗安於節特捐茲寵俾効厥官臣敢不奔
走十城奉行三尺勤於夙夜盡人臣欲報之忠同我
州閭樂陛下好生之德

謝提刑落發遣字表

晁之道

遭時陳力未書可紀之勞積日計資更冒論功之寵
載恩逾厚撫己增慙中謝伏念臣涉道未深受材甚
下固未識聖賢之所學亦粗知忠義之可為府幕郎
曹被奉陵之知獎卿聯使寄皆陛下之選除勉响激
昂乃期奮起雖慙駑蹇迄無實試之能但閱歲時彌
有空食之懼豈圖恩渥均被逮頑冥此蓋伏遇皇帝
陛下政本禹勤道稽堯哲衡聽以熙庶事器使而効
衆材致此羈孤荐叨秩叙布宣德意益殫犬馬之勞
趨赴事功少答乾坤之造

代謝除提舉表

汪彥章

甌勉郡城^承方虞官誇阜通邦貨忽領使華蒙眷獎之
過優撫危躬而若厲中謝伏念臣受材膚淺遭世盛
明由詩書誤綴於末科行州縣浸城^成於華髮分投間
冗無復激昂孰云揆擇之辰亦在鞭驅之數惟山海
懋遷之利實朝廷開闔之權吏或不度法因以廢故
比下丁盜之詔至重分刺舉之官宜得時髦執此如
金石之固坐令國用沛然若丘山之多大懼孤蹤莫
勝煩使此蓋伏遇皇帝陛下恢張治具駕馭人羣察
萬貨之低昂為之調度因百官之能否責以事功謂
臣從事之有年疑臣理財之知要特假道途之便使

趨期會之嚴臣敢不上體綸言肅驅軫傳徧行所部
並大江千里之餘庶得其贏佐少府萬分之一

謝除江東提舉表

謝深甫

推行荒政繇祇奉于詔條寵被優恩遽濫陞于官簿
微勞莫效大懼弗勝臣中謝竊以獎命九重備使一
道惟先疾苦之問以廣德意之孚矧專斂散之是司
宜視凶穰而唯謹當大飢發大熟之蓄職思其憂無
小言望小利之收賞過於僭諒茲疏寵借以勸功伏
念臣奮自寒生久安下仕頃叨賜對誤蒙朝^宸宸之知
旋沐褒遷猥廁廷紳之末僅再更于歲序凡三冒於

親除俾以乘軺驟玷皇華之遣及於弛擔偶罹雲漢
之裁歲既不登人方告病受牛羊而與牧其責誰歸
集鴻雁之於飛雖勞敢憚賑倉廩之貸予徧原隰以
馳驅冀上寬焦勞之憂期下無轉徙之患幸時還定
故民咸安其居賴國威靈在臣何力之有茲蓋伏遇
皇帝陛下德恢天覆澤沛海涵發政施仁每必先於
四者薄征散利尤用聚於萬民凋察既蘇豐登已兆
尚念布宣之無壅曲示褒獎之有加臣敢不深省僥
踰勉圖稱塞取有餘而補不足廣堯湯備具之儲務
實惠而去虛名助文景安養之政

謝除湖南學士表

胡文定

誤拜綸恩復將使指按臨舊部祇奉新書中謝命鄉
里而賓賢能是謂成周之法謹庠序而申孝悌嘗聞
孟子之言流風既遠而莫傳陳論益卑而無取聖由
天縱道與世升州增訓秩之官路遠光華之使藻芹
可采金玉其相適應冗員肆頌中旨恐郡縣困文移
之末暫廢司存念學校真平治之原亟仍舊貫再出
維行之令兼收已試之才有若庸虛居然忝冒此蓋
伏遇皇帝陛下憲章古昔紹述熙豐永維繼志之遠
猷莫急化民之先務人歸善養能以道觀遂令疎迷

掛若其
之蹤同預策磨之列臣敢不致虛觀復克己為仁處
心弗間於顯微奉法務張於廉恥諸儒駕說必明忠
孝之大端青佩嗣音無習文章之小技

謝除茶馬表

楊輔

仰稽命召大懼深訶俯拜俞音冒將隆指增重司存
之寄躡升寵秩之名恩踰丘山感鏤肌骨臣中謝伏
念臣頃充員於館職首待罪於宮牆時瞻清光退竊
榮遇旋叨郡籥即去闕庭將輸未浹於戍期因任游
承於闡寄閱楚祠之雷蟄再閏已周相禁邏之雲深
孤蹤何有肆壽皇之收召逮陛下之纂成在於葵藿

之誠敢徇衡茅之志然臣數奇難偶意外多虞迫危
厲之薰心控忱忱而瀝懇攀鱗望遠空還門角之思
前席塵殘甘滯周南之迹雖駭覆舟之變實干俟駕
之誅豈謂鴻私尚憐舊物矜其涼薄借以寵光俾司
蜀漢之權征兼總羗戎之互市恩加進職遣視乘輅
顧孱微既懼於靡任而僥倖則踰於始望茲蓋伏遇
皇帝陛下仁天初覆聖澤旁流簡搜首逮於薦紳收
拾不遺於墜履謂屬離明之繼照孰不傾心察其坎
險之在前義容知止姑從煩使庸示曲全若其所領
之官頗謂難勝之任將釐積弊宜得通才使之冒處

於家難恐必上辜於器使飲水祇命毀瓦慙功臣敢
不夙夜以思馳驅惟力政爾敗官而獲譴固分所甘
如其在道以求全蓋知所擇

十月初六日投於鳳窩是日遷葬雙親及七弟與豫
兒嘉兒五棺冒寒將事淒感百端 沅志樹志
聖宋名賢五百家播芳大全文粹卷四下

宋本挖改為卷六

聖宋名賢五百家播芳大全文粹卷五上

謝表

鄒守

謝除知江寧表

王介甫

稽違詔令經涉歲時先帝登遐既不獲奔馳道路陛
下即位又未嘗瞻望闕庭所憂後至之刑誅敢冀就
加於官使雖知黽勉尚懼顛隕臣某中謝蓋聞因任
以責羣材原情以通衆志厥或抱能而可用則雖負
疾而見容如臣者逮侍先朝叨官外制惓惓許國雖
有愚忠役役隨人但尸榮祿御銜哀去位嬰疹彌年望

絕龍光分投冗散伏遇 皇帝陛下紹膺尊極俯燭
幽微延之以三節之嚴付之以十城之重比緣禋祀
特有褒封申命曲加因郵并賜唯是士風之美素無
犴獄之煩久寄託于丘墳粗諳知其閭里念雖閉閣
殆弗廢於承流以比造朝或未妨於遠疾矧恩勤之
已迫且遜避之不容敢不少嘗體力之所任祇奉詔
條而為治冀逃大戾仰稱殊私

謝除知鎮江表

汪彥章

起廢江湖甫三周于歲籥疏榮觀闕凡四易于州麾
嗟治狀之無聞辱除書之屢至人微責重天大恩深
伏念臣積冒寵榮浸成衰朽咸謂陳人之安用獨蒙
聖主之不忘念嘗陪扈于初年未忍棄捐於中道適
當盛際徧歷名藩深行百粵之區遠薄三吳之境茲
蓋伏遇 皇帝陛下厲精求治虛己受言擇循良共
理之人先悃幅無華之吏故如臣等亦在選中臣敢
不共布詔條具宣德意坐攬淮山之形勝深究古今
心如江水之朝宗靡忘夙夜

謝除知青州表

歐陽永叔

掌國五兵叨進中臺之秩宣風一面俾綏東土之人
祇荷寵靈徒知隕越中謝伏念臣學非通敏才實空

疎幸逢千載之休明誤被三朝之獎擢久陪法從嘗
預政機國恩未報而身已先衰世途可畏而命亦多
蹇頓緣災疾遂決退休敢期上惻于皇慈未忍遽捐
於舊物而復過推優渥以慰癯殘惟孤拙之無堪蹈
艱虞而已甚世之所榮者臣之所懼人以為寵者臣
以為憂是敢輒殫悃幅之誠累瀆高明之聽迫于危
慮固避煩辭而聖度并容寬其罪戾恩言屢降譬以
丁寧知成命之難回勉覲顏而祇受而况全齊舊壤
負海奧區民俗富完而鑿井耕田各安其業詔條寬
大而奉法守職是以修官內省庸虛奚勝忝幸此蓋

伏遇 皇帝陛下日新求治天覆推仁謂簪履雖為
於賤微尚嘗堪收錄而犬馬苟豐於黍養猶可使令臣
敢不策勵勳疲羸勤思夙夜庶期盡瘁少答鴻私

謝除知忠州表

楊 紱

圭翕屏跡已甘四壁之空玉陛疏恩遽賜一麾之寵
雖元化不遺於微小而大明必照於幽深跼地莫遑
戴天有感中謝伏念臣性姿朴陋才識凡庸謬叨世
賞之延獲綴官聯之末窮邊絕塞奔走一生沫雨櫛
風辛勤萬狀固低回之已久必操守之弗渝但知潔
已以奉公惟務愛民而束吏未嘗枉道將以徇人任

勢利之見哈豈君親之忍負自安有命皆付無心四
宰縣封精力盡於此矣兩丞郡政艱難皆備嘗之身
雖困而志益堅家雖貧而節愈厲方厄窮於蝸舍敢
妄意於虎符矧此南賓控夫右蜀儼唐臣之前烈枕
夔子之上流仰壽皇拔擢之公逢聖主繼承之盛乃
捐重寄以昇下愚茲蓋伏遇 皇帝陛下祇服禹功
欽承舜德本一道以相守爰奉詒謀資共理之惟良
用安遠服致令疎賤誤玷選掄臣敢不恪守孤忠仰
酌洪造豈止躡四賢之後無覩面顏庶幾舉三峽之
間咸歌德意

謝除知青州表

蘇子由

守土無功曠官是懼成命既出懇避無由中謝伏念
臣儒術空疎吏能淺薄早蒙選擢屢典方州中被寵
光荐薦荐歷臺省懷樸忠而不顧勵勤拙以自將然自違
去中朝落流外補首尾經八年之久左右無一人之
容自分衰朽之餘無復甄升之望頃緣乏使再守別
京獲覩日月之光親聞金石之訓粗陳本末方慙尸
素之才俯念孤平尚有驅策之意自違天闕曾未期
年亟升侍從之容蒙仍分旌鉞之寄鴻恩自至莫知其
由此蓋伏遇 皇帝陛下天地兼容陶鈞獨運識馮

唐於郎首但取一言置汲黯於淮陽未忘舊物恩深不報期銘骨以終身才拙自知誓見危而一節銜命東往誠心內馳

謝除知遂寧府表

宇文价

高官厚祿無補論思重鎮隆名尚令叨竊特煥宸奎之賜俾為畫綉之榮眷遇非常糜捐莫報臣中謝伏念臣賦才謏薄為學空疎起自冷官濫陪朝著圓壇前導清問下及於姓名選德對揚玉音有取於人物由茲親擢疊冒恩除曾未數年徧登兩省內省空殫之愧日懷負乘之憂至於長戎部而侍經惟以儀曹

而兼鹵簿惟蘇軾還朝之日盡歷厥官而小臣去國之時并盡其職自知非據理合投閑載惟從欲之仁俾遂丐歸之志矧茲武位望重潛藩甲兵兼總于五州節鎮素雄於方面昔三年學嘗分教於諸生今一星終復提封於千里風俗熟知其易治士民亦得以相安雖自為謀莫過於此茲蓋伏遇 皇帝陛下勵精圖治虛已納言合四海以為家視羣臣而若子知臣未諳於民事第有空言察臣素短于吏能責其來効臣敢不祇奉丁寧之訓具宣寬大之恩備數西清實近天威之咫尺究心職事敢忘聖語之褒嘉

排髮大坐

謝除知亳州表

歐陽永叔

貳政非材雖獲奉身而退分符善地猶懷竊祿之慙
祇荷寵靈唯知戰懼中謝伏念臣章句腐儒之學也
豈足經邦斗筭小器之量也寧堪大用而叨塵二府
首尾八年荷三朝之誤知罄一心而盡瘁若乃樞機
宜慎而見事輒言陷穽當前而橫身不避竊尋前載
未有能全一昨怨出仇家構為死禍造謗於下者初
若含沙之射影但期陰以中人宣言於庭者遂肆鳴
梟之惡音孰不聞而掩耳賴聖神之在上廓日月之
至明悉究罔誣遂投讒賊再念臣性實甚愚而疎於

接物事多輕信者蓋以至誠如彼匪人失於泛愛平
居握手惟期道義之交延譽當朝常丐齒牙之論而
未乾薦稱爾之墨已彎射羿之弓知士其難世必以臣
為戒常情甚惡人將不食其餘而臣與遊既昧於擇
賢在滿不思於將覆自貽禍害幾至顛隕上煩睿聖
之保全得完名節於終始洎懇還於重任尤深惻於
皇慈雖避寵辭隆僅能去位而清貧顯秩愈切叨榮
莫逃僥倖之譏實負厚顏之醜茲蓋伏遇 皇帝陛
下乾坤大度堯舜至仁察臣自取於怨仇本由孤直
憫臣力難於辨雪蓋迫衰殘既獲免於非辜仍曲從

於私欲遂同萬物俾無失所之嗟未盡餘生敢忘必報之效

謝除右文殿修撰知通州表 胡文定

六押分曹濫預西臺之末議一麾出守許頒東郡之寬條祈閑屢瀆於冕旒從欲漸依於邱壑俯慙羈陋仰戴睿慈中謝伏念臣初乏智能但懷忠信逢辰熙洽亦有意於功名就仕迴環乃自循於分義惜年光之冉冉戒心事之營營倚嶠望雲視身猶愧臨流觀水閱世何求誤蒙擢達之知亦預招延之列記螭坳之冊牘曾靡崇朝掌鳳閣之絲綸遽膺明命事君者

必本於直道知己者難徇于私情矧君侍從之班敢廢論思之職所志雖期於補報出言多失於迂愚尚沐恩施獲叨民社此蓋伏遇 皇帝陛下德侔天大明並日中親賢否以同仁均顯微而必照欲求忠謹與掩疵瑕肆塵論撰之資更責循良之効臣敢不益思為善務在守身迹雖迫於孤危心豈分於中外海邦千里敢安魚稻之居魏闕九重徒結鼓鐘之戀

謝除知太平州表 洪邁

一麾出守方切兢危三命益恭弗容控避仰皇天之
大造扣丹地以何言臣中謝伏惟皇帝陛下睿知有臨神

武不殺慕舜之孝見堯於墻德冠古今而獨尊仁並清寧而徧覆明見萬里將大混於車書子惠庶民更精求於岳牧臣家本儒素時無令名濫叨寵博之科說駕清華之地瀛山抱槩郎省握蘭在紹興之末年汚記注名于古史伏遇 皇帝陛下龍飛應運鳳歷紀祥不遺細微兼取愚鈍遂以詞翰之職獲侍清閑之歡雖夙夜應仙許暫來於天上而塵志未斷旋即墮于人間一去十八年之中三叨二千石之寄未繇金華郡還紬石室書從珍臺閒館之遊勸廣廈細旃之講真拜學士號名私人受九重知己之殊極三入承

明之幸使與大議不專斯文而臣弱羽不足以當雄風蹇步不足以勝重任上恩惜於終棄左將寵其餘生李廣數奇徒羨侯於校尉汲黯妄發敢歎薄於淮陽臣即以今月二十八日到任上訖伏以郡在江東昔稱道院地鄰淮右今謂壯藩謹當宣布恩威奉行寬大求民之瘼問俗所宜緩帶輕裘雖弗賢長城于李勣清心省事敢不避正堂于蓋公庶幾固結本根少復報酌知遇

謝除知襄陽府表

吳 琚

四品綴班濫次西清之對十連謀帥誤分北顧之憂

揆日臨民望雲祇命臣中謝伏念臣才非適用生偶
逢時星使驅馳絲毫無補月卿超躡命薄奚堪荷壽
皇四牡拊勞之恩姑使內朝而通籍傳聖主六龍奮
飛之會故慙從列以偷安詎謂鴻私付之劇任眷言
峴首為今國維大將重兵之分屯長江平陸之衝要
昔羊祐之名德唯能懷敵故能安邊如孔明之奇才
不先謀人每先治己得人若此制閩不難畀以非宜
受之實懼茲蓋伏遇 皇帝陛下剛健中正文思聰
明地闢天開聖人作而萬物覩風行雷厲元首起而
百工熙至求疆場之臣尤重蕃藩宣之寄顧如臣者早

受眷知方聞命而即行擬控辭而不可威顏咫尺臨
遣甚優訓誥溫純丁寧曲盡臣敢不博詢民隱者定
戎昭齊其政不易其宜當布周南之風化備其虞謹
守其一務綏禹甸之山川

謝除知舒州表

趙彥丞

上蘄水之更書三周歲籥畀桐鄉之新組再剖州符
祇荷恩深倍深兢惕臣中謝伏念臣才非通用識昧
通方少本無於宦情老粗諳於世故徒以夙聯屬籍
早列薦紳奔走期會之煩僅逃曠責推移日月之久
卒乏異能頃繇贊郡之微勞濫受守邊之優寄不馳

驛騎幸當兵寢之時兼領鐵官偶最錢流之課實惟地實夫豈人功謀嘗因天陞之對揚親被玉音之褒拂初無推轂復使乘輜唯是同安政當淮右考於方志舊為楚國之附庸驗彼民風尚有漢臣之遺愛豈茲謏薄可稱拊摩此蓋伏遇 皇帝陛下器使羣工鑒觀萬務方當循名責實之際尤重承流宣化之臣謂臣已試牧民缺

宋本牧民句正引
一行本以下即別整
為謝除知泉州表
是宋刊原故也
明鈔本此下亦缺
文
皇祐十有
反梓檢記

皇祐十有
反梓檢記

謝除知泉州表

鄭丙

宣力藩條初無善狀陞華書殿忽奉優恩衰朽增榮
凌兢罔措臣中謝伏以周人敬老每問政以乞言漢
世選侯或賜金而增秩必有功而有德斯懋賞以懋
官苟非其人曷稱是選伏念臣稟資甚下任職叨逾
高宗更化之初糾繩學省壽皇臨御之始分察憲臺
累更使節之華徧歷中都之選掖垣鎖闥初無封駁
之能宗伯天官何有論思之益紬書東觀進讀邇英
賜卮酒於使朝寶宸奎於私室一從外補三易价藩
松柏後凋寧改雪霜之操桑榆已晚尚謀田里之歸

慶真主之龍飛偕與人而獸舞念昔陪于王邸幸早
識於天顏敢意記存首加獎勵顧聖主之英俊布滿
周行豈奎畫之褒題乃從隗始年齒雖高而德不稱
踐揚滋久而效未彰靜惟將髦之資曷副維新之化
茲蓋伏遇 皇帝陛下履位正中憲天聰明日月照
高衢夙稟生知之德雷風鼓萬物孰知帝力之神方
茲初政之施講求尚齒之制捐明光之邃直昇孤達
之老臣雖故事由常伯而出者間有此除在公議則
人品不堪者豈宜冒處臣敢不益堅素守力企前修
賞一人勸千萬人唯知砥節以勵厲行行百里半九十

里靡敢倒行而逆施
齷齪涓埃仰酌覆燾

謝到任表

留守

留守到任謝表

歐陽永叔

守宮籥之謹嚴敢忘夙夜布政條之纖悉上副憂勤
寄託任非堪兢榮並集中謝伏念臣賦才淺薄稟數寄
屯毀譽交興兩名常過實寵榮逾分動輒招尤念報効
之未伸敢不竭忠而盡瘁困風波之可畏則思遠去
以深藏逮此六年外更三守學偷安而杜口負素志
以愧心朽質易衰已凋零於齒髮良時難得尚希慕

康是庸之誤
致本

於功名豈謂皇慈未捐舊物擢從枝郡委以名都惟此別京舊當孔道簿領少勤於職事厨傳取悅於路人苟循俗吏之所為雖能免過非有古人之大節未足報君

留守到任謝上表

蘇子由

越從散地擢守留都仰戴恩光惟知慙懼中謝伏念臣早蒙器使屢試煩難任事多憂積衰成病乞身閑冷但求安養於餘生絕意功名不復干求於當世豈謂聖恩未棄見收桑榆枯木再生重沾雨露自聞此命莫知其由洎獲見於清光復親承於聖訓盡出恂

之鈞化曾微左右之容昔漢宣起張敞於亡徒漢武用安國於梁獄古或有是今則無之向非日月之照臨不遺隙穴之微陋則已廢之迹誰肯復收臣敢不勉勵疲駑宣布政令雖天地之恩不報而犬馬之志長存

留守到任謝上表

南陽重鎮久愧無功留鑰之人復叨寵寄祇奉綸綍初見吏民中謝伏惟皇帝陛下選用列辟屏藩四方獨化陶冶之間不為親疎之異乃眷別都之地實為創業之邦控引大河遠通江海之利列置諸將並

擁貔虎之師舟車四馳賓旅薦至宜歷觀近世多用重
臣顧省庸虛豈容忝冒伏念臣遭逢早歲流落中年
不意班白之秋置身侍從之列秉持旄鉞鎮撫方州
負乘有致寇之憂老病非濟時之器向非荷天地生
成之德被日月臨照之明孰為先容保此弱植臣敢
不瞻望京邑推廣風教之條勉強疲篤少致涓埃之
報

安撫

蜀帥到任謝上表

潘時

奉殊庭之香火方就退閒有使節之光華悞蒙臨遣

指邛維而叱馭壓楚道以褰帷祇載恩榮深劇切
臣中謝伏念臣奮身寒遠遭時盛明學古入官無孔
氏淵源之師友奉公行法愧漢廷篤厚之公卿頃膺
召節之頒再見脩門之入郎曹高選少列清躔既乏
馮唐面帝之賢徒起班公登仙之羨寢陞廷尉實冠
諸卿自知糠粃之在前惟恐駑駘之殿後孤立一意
冀銷雀角之欺刺口盡言屢批龍鱗之逆雖荷淵衷
之洞鑒其如衆口之難調去國逾年起家一節俾免
候瓜之次許趨面棘之朝訓獎至於再三感激幾於
千萬捫參歷井雖重經蜀道之難就日望雲自不覺

長安之遠退循懦質曷稱鴻私伏遇 皇帝陛下剛
健粹精聰明淵懿憫勞臣下每觀過以知仁加惠黎元
將篤近而舉遠軫念岷峨之瘠廣搜楚漢之官致此
迂愚亦預選擇臣敢不深思德意少効忱衷六轡如
絳常當使西陲之肅八紘奠枕尚成南國之強

潭帥到任謝上表

晁之道

復伏以祠宮方慙厚祿委之帥閫遽冒僂除乃參書殿
之華以峻中權之重徒揮感涕有覲衰顏中謝伏念
臣艱拙不移樸忠自信顧於劇煩之地每玷使令雖
乏尺寸之功屢塵獎渥必欲殺身而仰報未嘗于寵

以自榮既抵大訶猶從寬典許坐糜於廩食獲歸掃
於田廬誓畢此生更無餘願豈謂弱植上簡淵衷曲
回天光親灑宸翰與得帥師之列還從翰墨之游矧茲
長沙素號重鎮江山控帶民物夥繁自慙沉廢之餘
不稱循良之選方欣隕首詎敢辭難此蓋伏遇 皇
帝陛下聖度天容皇明日照仰神機之獨運動有成
功揆和氣之一陶舉無棄物顧惟極陋亦不遐遺臣
敢不思益前愆勉收來效徘徊去國益傾就日之誠
感激忘軀終踐裏尸之志

延安帥到任謝上表

晁之道

分陝服之漕權久慙曠職佩延安之將印仍竊誤恩
寄彌重而驚心感益深而隕涕中謝伏念臣稟質孱
陋遭世盛隆寢預使令過塵寵渥以致參華祕殿窺
萬卷之寶書均禮禁途束九環之金帶並踰分量深
懼顛隳方茲闡治之須才忽以朽虛而代匱顧慙一
割寧佐萬分矧惟高奴實稱重鎮控秦門戶制虜襟
喉折衝間遣於重臣憂顧每先於他路豈容櫜散輒
冒詔除此蓋伏遇 皇帝陛下溥若天臨赫然神化
無小無大悉主悉臣彼羗獨迷慕義未篤申飭武備
以須天誅臣敢不仰奉聖謀俯嚴帥律皇威非震宜

遂革於野心駕力何施第永堅於死節

越帥到任謝上表

張全真

領大滌之洞天方養疴於故里懷會稽之印綬遽假
寵於名藩拜恩不貲省己增懼中謝伏念臣奮身寒
遠操術迂踈早辱聖神之知浸增政事之選曲學泥
古既已昧於經權直道事君初不擇於夷險果由踰
分遂蹈危機爭前而媒孽者煽浮言之百車附下而
文致者溢謗書之盈篋告曾參而三至理或可疑畏
楊震之四知初無甚愧賴睿明之洞照察愚悃之無
他卒蒙全度之仁俾遂投閑之請不能者止乃分之

宜重緣多病早衰永甘棄置敢謂曲成善貸復預使
令眷懷惟慳之舊臣榮昇股肱之近臣審是肇新府
號久駐蹕聲履句踐之故棲厲嘗膽枕戈之志想神
禹之遺跡服卑宮菲食之勞故此回鑿之初示同留
鑰之重再命而僂曾遜避之靡容一節以趨豈衰遲
之敢憚經由行闕賜對便朝進瞻黼座之顯昂恍若
鈞天之夢寐親被訓辭之溫厚榮然華袞之光榮近
比所無叨蒙至渥此蓋伏遇 皇帝陛下躬堯舜之
孝悌可以通神明法文王之憂勤故能治內外博求
良翰共濟康功念茲遺簪墜履之餘付以皂蓋朱轡

之寵紆文二之組視印云初瞻尺五之天瞻雲伊邇
謹當龜勉從事平易近民宣布恩言冀少蘇於凋瘵
申嚴條教期漸弭於奸偷報國之心捐軀是力

四 劄安撫到任謝表

京 鏜

虞廷疇工方厠六曹之貳蜀道謀帥遽叨四路之全
天高靡聽於懇詞辭地重莫知其稱塞川浮陸走未臨
蠶叢開國之區雨施雲行已覩龍飛登極之運慶宇
宙千齡之啟忘道途七月之勞既奔馳抵所領之州
遂鼓舞布維新之澤臣謝伏念臣生長農里遭逢
聖時在高宗紹興之季年濫塵末第逮壽皇 之

中歲誤玷親除內贊臺評外分漕計雖憂患相仍再
纏於直經亦收召不棄兩辱於璽書匠卿營繕之靡
聞宰掾彌綸之何補愧非言語之選敢期報聘於鄰
疆惟乏論思之長安得躋榮於禁闈洎宅牧畀坤維
之寄俾充員為益部之行次對旌一時從臣之功不
五年而躡居於是職制閭為今日諸侯之長矧數道
倍廣於他藩惟西陲之一隅當北敵之三面頃號富
饒之最比多趣迫之憂距行關八千里而遠事每虞
于壅塞養重兵六十年之久民已困於征輸必壯猷
夙望克稱於倚毗豈綿力薄才足堪於推擇茲蓋伏

遇 皇帝陛下奉元而養萬物麗正以照四方詢事
考言允符聰明嗣位之託臨政願治親承精一執中
之傳凡見于今茲使令百執之間皆定於昔者參決
萬機之日致比隆委及於孤蹤臣敢不戴重莘之舊
恩布上聖之初政近考唐相籌邊之策遠稽漢臣樂
職之詩念國家之重軍民所宜一體敬子孫之事父
母其敢二其心

福帥到任謝表

馬大同

起家分閩欣逢舜禪之朝易鎮全閩又進文謨之直
顧登對莫裨於初政豈愚忠上合乎淵聰既見吏民

具宣德意臣中謝臣寅緣末學遭際明時兩仕于朝
薦至九卿之班列一官於外備諳世路之驅馳何心
毀譽之來但覺風波之險投閑故里寅奉真祠上流
忽拜於新除再命旋更於隆委修門初入當九五大
人飛龍之天長樂此來為二三舊臣歇馬之地民齒
繁夥海隅晏清要須威名風望之人乃稱禮樂詩書
之帥夫何么庶首預選掄茲蓋伏遇 皇帝陛下離
照重明鼎新庶政責郡國以治理之効欲田里亡歎
愁之心畀臣二千石之章需其萬一分之用臣敢不
舉大綱而不紊去小智之自私上下相安庶自得於
湖山之外幽枉必達使如在於畿甸之間勉修稱職
之方是乃報恩之所

閩帥到任謝上表

張全真

召還經幄猥荷記憐就易藩符特蒙委寄布宣聖德
慰諭遠民皆云遣政事之舊臣可以識朝廷之至意
望雲仰戴夾道歡呼始拜命以兢惶既入疆而感涕
中謝瞻昔甌越粵險遠之地為今東南全盛之邦八郡
支分封圻廣袤三山鼎峙形勢尊雄向由劇盜之震
驚尋苦庶兵之供億公私垂罄井邑就荒加以田疇
亢旱之餘仍當海徼防秋之日宜有撥煩之略以為

善後之圖伏念臣才歷試而不長命數奇而寡與政途_塗三載曾莫紀於勳勞輔郡兩時亦未聞於課最既追譴訶之域遽陪清燕之間第迫病衰力祈退縮豈謂中宸之眷敢_復分南顧之憂不敢固辭以貽擇事之譏尚期力行以勉報德之効此蓋伏遇 皇帝陛下廓蓋容於天地躬勤儉於家邦明以見幾仁不忘遠察臣久侍帷幄知勤恤之為先憐臣嘗備藩維粗安靜而不擾濟發獨斷申加茂恩再念臣本無睿知最為孤藐粗由直道不敢愛身顧惟閩中稍遠闕下俗既熾嗇以趨利士多請寄而為奸固當守法奉公以

絕貪冒之私不敢違道干譽而懷畏避之計專求民瘼以固邦基諒無遠而不聞幸容光之必照挾知馬問羊之數雖愧昔賢易帶牛佩犢之風願師循吏

成都帥到任謝表

蘇叔黨

西南都會古稱巴蜀之雄表裏山川國本蠶叢之舊士風厚善民訟簡稀宣布詔條告諭父老咸悉朝廷之意曾不鄙夷其民故擇宗臣以安遠俗中謝伏念臣斗筭小器樸藪凡材生逢日月之明得遂箕裘之志夤緣_無一仕寔被使令蓋嘗試之於邊陲又復寵之以延閣略無毫髮之補報徒竊天地之恩私眷此坤

維號稱錦里其民務本而力穡其士好學而有文組
綉被於中原富饒甲於天下歷觀祖宗之遣帥率皆
廊廟之偉人顧委任之非輕知撫循之有自四刀見
夢著史策以為榮兩使占星候天文而協應如臣才
能無取問望素輕叨冒寵光有醜面目茲蓋伏遇
皇帝陛下則堯之大法禹之勤建六官而代天工操
八柄以馭臣下坐念五十州之遠特軫淵衷必求二
千石之良往宣德意知臣忠孝粗守筋力未衰使之
察吏而督奸豈肯邀功而生事邊鄙不聳庶幾魏降
之能獄市兼容遠師曹參之治臣敢不益堅素節圖

報睿知上寬宵旰之憂次答生成之造奉天威之咫尺若臨淵冰承王命於春秋敢忘夙夜

府尹

開封府尹到任謝表

晁之道

河圖列職實儒者之至榮屏翰承流蓋聖時之盛選
揣分獨驚感恩以泣中謝伏念臣早繇際會久玷使
令昨自侯藩擢參天府勉以孤忠之素守兼收夙夜
之微勞而材昧撥煩割非游刃恍歲年之再易宜罪
戾之積多敢意加憐更叨外獎惟澶淵之故地控朔
漠之上游自昔守臣率時名輩矧茲延閣尤號華塗

儲書溢于上臺分職尊於冊府悉容僥冒並集兢慙
此蓋伏遇 皇帝陛下恩撫萬_邦道凝庶績先慈儉
以風四海開仁壽以納斯民故於共治之臣尤慎_惟一
時之選載惟今日之除擢特出九重之眷知願承清
燕之間親稟訓敕而去請辭_既弗獲理當即行不勝犬
馬之情但極軒墀之戀然臣端逢休運屢對清光每
瞻獨斷之明備識好生之德敢不勉驅駑蹇少効涓
埃禁暴戢奸庶不生事奉法循理必期便民獲殫九
死之心敢憚三年之計

聖宋名賢五百家播芳大全文粹卷五上

巳巳二月朔校
于清泉吟社